



kat.komp

22040

Mag. St. Dr.

P

*himnus**Starobka Stanisłai: Syncharone gratulatorium.*PANEG. et VITAE
Polon. Fol.*Nr. 1327.*

I

S
O
gi
M

I

P

P
A
D
In
n

M.

PA

Cyel

63.

Syncharma Gratulatorium

Q V O D

Perillustri, Clarissimo, & Admodum Reuerendo Domino,

**D. M. IOACHIMO
S P E R O N I O,**

Sac: Th: Doct: & Foundationis Oblancouianæ
Ordinario Cursus Theologici Professori, Ecclesiarum Colle-
giatarum, OMNIVM SS. Præposito, & S. FLORIANI Decano,
MARIANO in Ecclesia Cathedrali Cracouiensi Concionatori,
Regalis Contubernij Iagelloniani Prouisor, ac Inclytæ
Domus Collegij Maioris Seniori Patri.

Dum sub auspicato Omine, & Nomine

Magnifici, Clarissimi & Excellentissimi Domini,

**D. M. FRANCISCI
R O L I N S K I,**

Philos: & Medicinæ Doct: & Profes: Ordinarij,
Consulis, & Studij Alinæ Vniuersitatis Cracouiensis
Generalis RECTORIS longè Vigilantissimi.

Pro loco inter S. T. Doctores, in Celeberrimâ
Acad: Crac: consequendo, grauissimam Quæst.

DE SATISFACTIONE CHRISTI DOMINI,

In Peraugusto Serenissimi ac Inuietissimi VLADISLAI Iagello-
nis olim Regis Poloniarum, & Magni Lithuaniae Ducis Ar-
chiatheneo, atq; amplissimi Senatus Academici fre-
quentiâ publicæ velitationi proponeret.

*M. STANISLAVS SLACHETKA, Leopoliensis Philosophiæ Doctor, Collegæ Minor, ac Ordinarius
Eloquentiæ Professor, debiti cultus & obseruantia erga*

**PATRONO, ET PRÆCEPTORI COLENDISSIMO
Exhibuit.**

Cyclo Solis XV. Cyclo Lunæ XXVI. Indictione Romanâ XI. Pharmuchi XV.
Hora 12. Epochâ Verbi Incarnati. 1658.

DAbis veniam Perillustri & Clarissime Dñe Doctor, si vastissimo laudū, & Virtutū Tuarū Oceano, pauculas easq; minutas ex mea Eloquentia, & Pœtria nō adeo illustris sympulo, guttas affudero. Neq; enim in hac Solenni Actus Tui celebritate, præclara solida Pietatis decora in præconium vocabo, neq; insignia egregie factorum monumenta perstringam dictione, sed illustria tantum Virtutis Academica ornamenta, decumanos labores in Vniuersitate exantlatos, & amplissima merita, quibus sublimes consecutus es honores, summatim recensebo. Ex quo enim generosa Virtus Tua geminam in Philosophiā nacta est lauream, protinus excellentem ingenij Tui indolem, non ignauia, & otio, sed acrioribus studijs consecrasti. Ingressus Collegium Nouoduoscianum laboriosissimam illam Professoria Virtutis orchestram, quantas, quamq; creberrimas sustinuisti difficultates, deuorasti tadia, labores pluquam Herculeos pacato tolerasti animo, dum tot Illustrissimorum luenum ingenia feliciter excoluisti. Spectarunt Academia nostra Procere Tuam indefessam sedulitatem in instituendā Iuuentute, quam & ad pietatem manu duxisti, & disciplinis expoluiisti, & moribus omni ex parte suauissimis instruxisti: ut labor Tuus honoribus, & præmijs decoraretur, Te ad inclytum DD. Artistarum Collegium promouerunt. Non hic terminum sibi præfixit Virtus, sed magnis contendens passibus ad consequendum immortale Scientiarum decus, non exhorruit ingentium difficultatum Iliadem, non pertimuit continui Studij Palastram operosam. Ingressus eras laboriosum Peripatetici Stagirita Hippodromum, in quo quidem ita enitebaris, & contendebas, ut numerosissimā circumfusus Auditorum coronā, felicissimè cursibus Tuis Philosophicis imposueris coronidem. Non deflexisti ab orbitā veritatis, quia insignem Ducem, inconcussū veritatis Magistrum D. THOMAM AQUINATEM Doctorem Angelicum habuisti, ad cuius mentem, velut ad quendam Lydium lapidem, si quid ambiguitatis, aut controuersie in Philosophiā exortum erat, omnia expendisti. Decurrebas hoc Philosophicum curriculum 6. annorum spatio, quod nunquam alijs VLADISLAVIANIS Professoribus contigerat, in eoq; Triasmos Epicriticos Analegomatum ex Vniuersa Philosophia ad mentem D. THOMÆ DOCT: Angelici conformatos, publica luci, inter festos tubarum accentus, in frequentissimā Nobiliss: Hospitum coronā præbuiisti. Offeritur laboriosissima Sparta, Decanatus Philosophica Facultatis, quem quidem Clarissime Dñe Doctor his nactus, non modò cum admiratione omnium exornasti, verum etiam egregios Artium Candidatos, tanquam Neoptolemos Togata Palladis ad stipendia Philosophica conuocasti. Ingredieris Augustum Collegij Maioris Prætaneum, fors omnis quietis & tranquillitatis portum! minime, tot enim præmissis Eruditionis eximia argumentis, mox te grauissimis accinxisti laboribus, Professioni ita inuigilasti, ut non modò Nobilem Iuuentutem Polonam ad penetralia Philosophia, lingua Græca notitiam, ad benè beateq; viuendi rationem duceres, sed etiam Ecclesiæ plurimos Mystas, Reipublica Ciues, Academia Professores, Cænobijs Religiosos subministrares. Tantis in Peripato susceptis laboribus, contulisti Te ad Diuinā Scientiā Theologiā Areopagum, in quo Nobilissimos Tractatus D. THOMÆ, & Petri Lombardi Magistri Sententiarum clarissime enodasti. Perrexisti ad illam Arcem omnium nationum, lucem orbis terrarum Romanam Urbem, atq; ibidem Lauream Doctoralem in Eminentissimā Facultate Theologica magno cum Nationis Italica, & Lechica applausu obtinuisti. Assumis Nouæ Fundationis Oblancouiana Cursum Theologicum, quem magno cum Auditorum commodo pralegisti, & nō interrumpisset Mars Sueticus incitatum in eo perficiendo cursum, terminum habuisset. Reliqua prætereo laborum argumenta, Conciones in Eccl: Cath: Crac: eruditissimas, Orationes Panegyricas, exquisitè elaboratas Mineruā quibus Victorias Regum, funera Principum, Mausolea Antistitum, Mitras Ducales, lemniscatas Senatorum curules celebrasti, versus miro artificio, & vario genere concinnatos: Quæstiones Philosophicas, Theologicas, creberrimas, easq; feruidas in Religiosorum Cænobijs disputationes omitto. Eunt unicuiq; obuiam insignes Tue elucubrationes, magna mentis erudita opera, ac ubiq; à magnis animis & ingenijs amplissimas referunt Panegyres. Neq; meum aspernaberis Perillustri Domine beneuoli cordis affectum, dabūq; veniam, si quid inconditum Tuo eruditissimo attulero genio, quandoquidem legimus Metellum Pium, etiam ineruditus Pœtis aures suas præbuisse, qui res à seipso gestas ut cunq; canerent. Accipe igitur Perillustri Dñe hoc meum Epinicion Gratulatorium, certissimum vectigalis obseruantia, & gratitudinis tributum, meq; continuò in laboriosa stationis Academica desudantem stadio, singulari gratiā unā cum Perillustri Admodum Reuer: Clarif: & Excellen: Dñis Doct: & Professoribus prosequi non desinas.

Avgusta casti pectoris hospita,
 Quæ more Matris molliter educas
 Mentem tenellam, dum suâui
 Lacte foves pietatis almæ
 Beata Virtus. Tu gremio tuo,
 Sinuq; blando pignus amabile
 Complecteris, Scientiarum
 Nectare dulcè fluens ministras
 Embamma, tantis viuida mens cibis
 Nutrita, sumit robur, & inclytæ
 Formæ venustatem stupendam
 Gratia conciljat decora.
 Tu sola dignos laude vetas mori,
 Musis Sacratos sæpè beas polo,
 Nomenq; eorum peruetusta.
 In monumenta refers perenne.
 Fugis profanos monstra velut tera,
 A purpuratis pellis honoribus,
 Calcasq; pompas bracteatas,
 Et placitum popularis auræ.
 Abscede vulgus mobile, quid stupes?
 Fauete linguis magnanimi Viri:
 Quorum caballinis venustus
 Labra rigauit Apollo niptris.
 In monte Pindi mellea carmina
 Audita, vobis non sine gloriâ
 Cantabo Musarum Sacerdos,
 Et repetam resonante fistro.
 Dux laureati Phœbus agematis,
 Ab ore talem prompsit adorem:
 SPERONII Nomen perennet
 Per titulos, memoresq; fastos.
 Viuat beatus, cui fauet inclyta
 Virtus, & almo cineta choregio
 Pallas virenti fronde lauri
 Tempora lassa nimis coronat.
 Viuat beatus, cuius amabilem,
 Suauemq; Suadam luce Scientiæ
 Illustrium cætus virorum
 Laudibus eximijs adornat.
 Hic est mearum lux Aganippidum,
 Mei; Parnassi incola sedulus,
 Ascræa cui iam niptra Diuæ
 Et latices tribuere dulces.
 SPERONIANÆ facta Poëtriæ
 Quis non stupefcat? cùm generosior
 Descendit in campum Mineruæ
 Versibus hic, meliorq; Suadâ
 Certabit, amplas sumet aui bonâ
 Lauros honoris de manibus Sophûm



Et sic coronatus subibit
 Victor ouans Heliconis arces.
 Hæc verba fudit laude scatentia,
 Encomiorum plena Panegyri
 Præfente Musarum coronâ
 Aoniæ dominator aulæ.
 Albis lapillis hunc numera diem,
 Annumq; , quo subsellia possides
 Excelsa Doctorum SPERONI,
 Atq; nouum capis inde vinclum
 Coniunctionis: nam socios habes
 Laborum, Honorum dotibus inclytis
 Candoris, Eruditionis
 Ingenij, Sophiæq; claros.
 Quis non sereno sub Ioue dixerit
 Natos graues hos Theologos, quibus
 Concessa scandendi facultas
 Rostra Theosophiæ suprema.
 Hæc primus ornas delictum Ducum
 STANSLAE IVRKOWSKI decus inclytum
 Almi Lycæi, lux, & Atlas,
 Atq; iubar Charitum venustum.
 Laboriosæ vitæ Academicæ
 Imago, clarum Magni OPATOVII
 Exemplar, & prudentiæ flos
 O IOACHIME SPERONOWIC, iam
 Excelsa scandis Theologum loca:
 Scientiarum septus agemate,
 Densâq; virtutum coronâ
 Sarmatico radiabis orbi.
 Candoris almi sydus amabile,
 Et eruditi fulgida fax chori,
 Te doctus ANDREAS KVCHARSKI
 Consequitur socius laborum.
 Et disciplinæ gemma Thomisticæ,
 Aquinaticæ buccina gloriæ,
 Diuiq; Verbi præco feruens,
 Viuaq; Bibliotheca Patrum.
 ALBERTVS, agmen, DABROVIVS potens
 Sermone dulci claudit: hic acriter
 Immunitates, quas IAGELLO
 Contulit, has vbiuis tuetur.
 Quaternionem tollite laudibus,
 Quicumq; Diuæ corda Scientiæ
 Litastis, en sublime scandit
 Exedrium Neo doctor, addet
 Numen serenos SPERONIO dies,
 Clarumq; pandet dogma Thomisticum,
 Tuos labores adiuuabit
 ANGELICVS, IOACHIME, DOCTOR.

Biblioteka Jagiellońska



stdr0016874

